

春秋衡庫
上

馮夢龍全集

魏同賢
主編



春秋衡庫
上

魏同賢 主編

上海古籍出版社

馮夢龍全集

春秋衡庫附錄

前一

馮夢龍輯

張我城叅

各傳序畧

胡傳序畧

胡安國著

古者列國各有史官。掌記時事。春秋魯史爾。仲尼就加筆削。乃史外傳心之要典也。而孟氏發明宗旨。目爲天子之事者。周道衰微。乾綱解紐。亂臣賊子接迹當世。人欲肆而天理滅矣。仲尼天理之所在。不以爲已任而誰可。五典弗惇。已所當叙。五禮弗庸。已所當秩。五服弗章。已所當命。五刑弗用。已所當討。是故假魯史以寓王法。撥亂世反之正。叙先後之倫。而典自

此可惇。秩上下之分。而禮自此可庸。有德者必褒。而善自此可勸。有罪者必貶。而惡自此可懲。其志存乎經世。其功配於抑洪水。膺戎狄。放龍蛇。驅虎豹。其大要。則皆天子之事也。公好惡。則發乎詩之情。酌古今。則貫乎書之事。典常典。則體乎禮之經。本忠恕。則導乎樂之和。著權制。則盡乎易之變。百王之法度。萬世之準繩。皆在此書。故君子以爲五經之有春秋。猶法律之有斷例也。

左傳序畧

杜預著

左丘明受經於仲尼。以爲經者。不刊之書也。故傳或

先經以始事。或後經以終義。或依經以辯理。或錯經以合異。隨意而發其例之所重。舊史遺文。畧不盡舉。非聖人所修之要故也。身爲國史。躬覽載籍。必廣記而備言之。其文緩。其旨遠。將令學者。原始要終。尋其枝葉。究其所窮。優而柔之。使自得之。饜而飫之。使自趨之。若江海之浸膏澤之潤。渙然冰釋。怡然理順。然後爲得也。

穀梁傳序畧

范甯著

昔周道衰陵。乾綱絕紐。禮壞樂崩。彝倫攸斁。弑逆篡盜者國有。淫縱破義者比肩。是以妖災因釁而作。民

俗染化而遷。陰陽爲之愆度。七曜爲之盈縮。川嶽爲之崩竭。鬼神爲之疵癘。故父子之恩缺。則小弁之刺作。君臣之禮廢。則桑扈之諷興。夫婦之道絕。則谷風之篇奏。骨肉之親離。則角弓之怨彰。君子之路塞。則白駒之詩賦。天垂象。見吉凶。聖作訓。紀成敗。欲人君戒愼厥行。增修德政。蓋誨爾諄諄。聽我藐藐。履霜。堅冰。所由者漸。四夷交侵。華戎同貫。幽王以暴虐見禍。平王以微弱東遷。征伐不由天子之命。號令出自權臣之門。故兩觀表而臣禮亡。朱干設而君權喪。下陵上替。僭迫理極。天下蕩蕩。王道盡矣。孔子觀滄海之

橫流。廼喟然而歎曰。文王旣沒。文不在茲乎。於是就
犬師而正雅頌。因魯史而修春秋。該二儀之化育。贊
人道之幽變。舉得失以彰黜陟。明成敗以著勸戒。拯
頽綱以繼三五。鼓芳風以扇遊塵。一字之褒。寵踰華
袞之贈。片言之貶。辱過市朝之撻。德之所助。雖賤必
申。義之所抑。雖貴必屈。故附勢匿非者。無所逃其罪。
潛德獨運者。無所隱其名。信不易之宏軌。百王之通
典也。春秋之傳有三。而爲經之旨一。臧否不同。褒貶
殊致。蓋九流分而微言隱。異端作而大義乖。左氏以
鬻拳兵諫爲愛君。文公納幣爲用禮。穀梁以衛輒拒

父爲尊祖。不納子糾爲內惡。公羊以祭仲廢君爲行權。妾母稱夫人爲合正。以兵諫爲愛君。是人主可得而脅也。以納幣爲用禮。是居喪可得而婚也。以拒父爲尊祖。是爲子可得而叛也。以不納子糾爲內惡。是仇讐可得而容也。以廢君爲行權。是神器可得而窺也。以妾母爲夫人。是嫡庶可得而齊也。若此之類。傷教害義。不可得。強通者也。左氏豔而富。其失也誣。穀梁清而婉。其失也短。公羊辯而裁。其失也俗。若能富而不誣。清而不短。裁而不俗。則深於其道者也。故君子之於春秋。沒身而已矣。

程子傳序畧

程頤著

後世以史視春秋。謂褒善貶惡而已。至於經世大法。則不知也。春秋大義數十。其義雖大。炳如日星。乃易見也。惟其微辭隱義。時措從宜者。爲難知也。夫觀百物而後識化工之神。聚衆材而後知作室之用。於一事一義而欲窺聖人之心。非上智不能也。

事一義而始欲聖人之用心非上階不難也

鄭西對焉之工之輔梁果甘而對味前室之用飲一

是也對其始也對其後也對其宜者對其失也夫傳百

則乎味也者其大義也其義大則味自皇天

矣也其大義也其義大則味自皇天

春秋衡庫附錄

前

卷一

春秋衡庫附錄

前二

馮夢龍輯

張我城叅

兩周事考

春秋以前事

祭公諫征犬戎

周文公即
周公旦

示以好惡
辨方也

國語穆王將征犬戎。祭公謀父諫曰。不可。先王耀德
不觀兵。夫兵戢而時動。動則威。觀則玩。玩則無震。是
故周文公之頌曰。載戢干戈。載櫜弓矢。我求懿德。肆
於時夏。允王保之。先王之於民也。茂正其德而厚其
性。阜其財求而利其器用。明利害之鄉。以文修之。使
務利而避害。懷德而畏威。故能保世以滋大。昔我先
世后稷。以服事虞夏。及夏之衰也。棄稷弗務。我先王

聲舊音竹

載成也忝
辱也

不竄用失其官。而自竄于戎翟之間。不敢怠業。時序
其德。纂修其緒。修其訓典。朝夕恪勤。守以惇篤。奉以
忠信。奕世載德。不忝前人。至於武王。昭前之光明。而
加之以慈和。事神保民。莫不欣喜。商王帝辛。大惡於
民。庶民弗忍。欣戴武王。以致戎于商牧。是先王非務
武也。勤恤民隱。而除其害也。夫先王之制。邦內甸服。
邦外侯服。侯衛賓服。蠻夷要服。戎翟荒服。甸服者祭。
侯服者祀。賓服者享。要服者貢。荒服者王。日祭。月祀。
時享。歲貢。終王先王之訓也。有不祭。則修意。有不祀。
則修言。有不享。則修文。有不貢。則修名。有不王。則修

大畢伯仕
犬戎之二
君也終卒
也
言犬戎立
性惇樸

德序成而有不至。則修刑。於是乎有刑。不祭。伐不祀。
征不享。讓不貢。告不王。於是乎有刑罰之辟。有攻伐
之兵。有征討之備。有威讓之令。有文告之辭。布令陳
辭。而又不至。則又增修於德。無勤民於遠。是以近無
不聽。遠無不服。今自大畢伯仕之終也。犬戎氏以其
職來王。天子曰。余必以不享征之。且觀之兵。其無乃
廢先王之訓。而王幾頓乎。吾聞夫犬戎樹惇。能帥舊
德。而守終純固。其有以禦我矣。王不聽。
子。即南巡不返者。此
周道始衰之會也。
按穆王。昭王
子。昭王。康王

密康公以色亡

共王穆王
子

公諸侯也
公之所行
與衆共議
也御婦官
也參並也
一族一父
子也取姪
姊以備三
不參一父
之女
厲王穆王
曾孫自穆
至厲凡五
傳榮國名
美謚也

國語共王游于涇上密康公從有三女奔之其母曰
必致之於王夫獸三爲羣人三爲衆女三爲粲王田
不取羣公行下衆王御不參一族夫粲美之物也衆
以美物歸女而何德以堪之王猶不堪况爾小醜乎
小醜備物終必亡康公私而不獻一年王滅密
榮夷公好利

國語厲王說榮夷公大夫芮良夫諫曰王室其將卑
乎夫榮公好專利而不知大難夫利百物之所生也
天地之所載也而或專之其害多矣天地百物皆將
取焉胡可專也所怒甚多而不備大難以是教王王

能久乎。夫王人者。將導利而布之。上下者也。使神人百物無不得其極。猶日怵惕懼怨之來也。今王專利其可乎。匹夫專利。猶謂之盜。王而行之。其歸鮮矣。公若用。周必敗。王不聽。既。榮公爲卿士。諸侯不享。

召公諫監謗

國語厲王虐。國人謗王。召公告王曰。民不堪命矣。王怒。得衛巫。使監謗者。以告。則殺之。國人莫敢言。道路以目。王喜。告召公曰。吾能弭謗矣。召公曰。是郭之也。防民之口。甚於防川。川壅而潰。傷人必多。民亦如之。是故爲

者

決之使導。爲民者宣之使言。故天子聽政。

師小師也

膠音叟

音蒙

替太師史

太史耆艾

師傳也

獫狁音顯
沈宣王厲

卷之八

三

使公卿至於列士獻詩。瞽獻典。史獻書。師箴。瞽賦。矇誦。百工諫。庶人傳語。近臣盡規。親戚補察。瞽史教誨。耆艾修之。而後王斟酌焉。是以事行而不悖。民之有口也。猶土之有山川也。財用於乎出。猶其有原隰衍沃也。衣食於是乎生。口之宣言也。善敗於是乎興。行善而備敗。所以阜財用衣食者也。夫民慮之於心而宣之於口。成而行之。胡可壅也。若壅其口。其與能幾何。王弗聽。於是國人莫敢出言。三年。乃流王于彘。

宣王北伐南征

朱子纂要獫狁內侵。偪近京邑。王命尹吉甫北伐。遂

畢

芑青起

武公教伯禽
立孫獻公子也

出太原而歸。於是有六月之詩。曰。文武吉甫。薄伐玁狁。時南荆皆叛。方叔嘗北伐有功。王命帥師征之。南蠻平。於是有采芑之詩。曰。顯允方叔。征伐玁狁。蠻荆來威。時夷在淮上者亦叛。王命召虎率師循江漢討平之。且闢疆境。至于南海。於是有江漢之詩。曰。江漢浮之。淮夷來求。曰。于疆于理。至于南海。

仲山父爭戲括

國語魯武公來朝。以括與戲見王。王欲立其少子戲。樊仲山父諫曰。不可。不順必犯。犯王命必誅。故出令不可不順也。夫下事上。少事長。所以爲順也。今天子